

箭鏃竹木刺方

二百五十

百一方治竹刺在肉以蟻螬虫研敷立效

衍義方治竹木刺入肉嚼牛膝根罨之卽出

肘後方治箭鏃入骨以巴豆肉微炒同蜚螳研勻塗傷處俟
痒極拔出之

孫真人治箭鏃針刺杵螻蛄塗患處自出

罨跌打夾棍傷

二五一

生薑

陳酒糟

各一斤

同搗爛炒熱罨傷處

治椶傷 二五二

凡椶傷手指者用皂礬二兩水四五碗砂鍋內熬滾將手薰洗良久卽血活疼止不致潰爛熬水忌銅鐵器其洗手水過夜卽臭惡不可聞

杖瘡四方 二五三

用川大黃一兩加上好水片二分另研俱爲末和勻涼水調如糊攤杖處卽時止痛一日後換膏藥貼之

又方加甘草一兩

又方攤藥

大黃

白芷

生半夏

各七錢

右為末以鮮薑汁調敷乾即再敷以黑處血紅為度即換貼膏藥神效

又方

生半夏

松香

各一兩

右研一處蜜水調成膏貼之勿令見風如乾再換一個即愈

諸骨諸物鯁

二五四

一治諸骨鯁用苧麻根杵爛丸彈子大將所鯁物煎湯化下

一治魚骨鯁用細茶五倍子等分為末吹入咽喉立愈

一治稻芒糠穀鯁喉將鵝甲一足取涎徐徐嚥之即消

一治吞釘鐵金銀銅錢等物但多食肥羊脂及諸般肥肉等

味必墮大便而下

一治吞鐵或針用錫糖半斤濃煎艾汁調和服之

一治吞髮繞喉不出者取自己亂髮燒灰白湯調服一錢

破傷風敷藥 二五三

治打撲損傷傷風腫痛者

南星

半夏

地龍 等分

右為末用生薑薄荷汁調搽患處

稀菴酒 二五六

治破傷風外邪初入或風入於臟者神效

凡頭面身體因破損傷風者頃刻發服遲則不救速用稀菴
草一二兩酒水各半煎服被蓋緩臥少頃即可消散能飲者
純用酒煎尤妙

防風湯 二五七

治破傷風表證未傳入裏急服此

防風

羌活

獨活

川芎 等分

右每服五錢水煎調蜈蚣散服方在後二六四

白朮防風湯 一五八

治破傷風服表藥過多自汗者

白朮

黃芪 各一兩

防風 二兩

右每服五七錢水煎服臟腑已和而自汗出者可服此藥若

臟腑秘小便赤而自汗者急以後大芎黃湯下之

羌活湯 二五九

治破傷風在半裏半表間宜和解之急服此

湯稍緩則邪入於裏不可用矣

羌活

麻黃

菊花

川芎

防風

細辛

前胡

蔓荊子

黃芩

石膏

白茯苓

枳殼

甘草

各一錢

薄荷

白芷

各五分

右每服五錢薑水煎日二三服

羌活防風湯

二百六十

治破傷風初傳在表脈浮緊

羌活

防風

藁本

當歸

芍藥

甘草

各四錢

地榆

細辛

各二錢

右咬咀每服五七錢水一鍾半煎八分熱服量緊慢加減用之○熱盛加黃連黃芩各二錢○大便秘加大黃二錢○自汗加防風白朮各五分

大芎黃湯

二六一

治破傷風邪傳於裏舌強口噤項背反張

筋惕搐搦痰涎壅盛宜疎導者急服之

川芎

羌活

黃芩

大黃

各一兩

右每服五七錢水煎服

本
事 玉真散 二六二

一名定風散○亦名奪命丹○治打撲金

刃破傷風重者牙關緊急腰背反張並蛇犬所傷

天南星

湯泡七次如急
用以濕紙裹煨

防風

等分

右爲末每服二錢溫酒調服若牙關緊急腰背反張者每服
三錢用童便調服雖內有瘀血亦愈至於昏死心腹尚溫者
速進二服亦可保全若破傷瘡口及風犬咬傷須用漱口水
或熱童便洗淨隨用生南星爲末摻之或以水調塗之出水
爲妙

養血當歸地黃湯

二六三

治破傷風氣血俱虛發熱頭痛服

此以養氣血祛風邪不拘新舊並可治之

當歸 酒拌

熟地 各二錢

芍藥

川芎

藁本

防風

白芷

北細辛 各一錢

水二鍾煎一鍾食遠服甚者加酒助之

蜈蚣散 二六四

蜈蚣 一對

鱧膠 三錢

右為末用防風白朮煎湯調下

破傷風灸法 二六五

治跌打損傷或虫獸傷破皮膚以致風邪入內牙關緊急腰

二聖散 二六七

疎風和血去癘毒

皂角刺

燒存性
為末

大黃

半兩

右用大黃半兩煎湯調下皂刺末二錢早服樺皮散午以升

麻湯下瀉青丸晚服二聖散

局方樺皮散 二六八

治肺壅風毒遍身癢疹瘙痒

樺皮

枳殼

去穰各四兩
俱燒存性

荆芥穗

一兩

炙甘草

半兩

杏仁

二兩去皮尖用水一碗煮
令減半取出晾乾為研

右共為末磁器收貯每服二錢食後溫酒調服

升麻湯 二六九

治諸風熱癩肌肉極熱身如蟲行或唇反綻

裂

升麻 三分

人參

茯神

防風

羌活

犀角 鎊

羚羊角 鎊各一錢
肉桂 五分

水二鍾薑三片入竹瀝少許煎八分不拘時服○或用下瀉

青丸

寶鑑 醉仙丹 二百七十

治癘風遍身麻木

胡麻子 炒

牛旁子 炒

枸杞子

蔓荊子 炒各一兩

白蒺藜

苦參

天花粉

防風 各半兩

右為細末每一兩五錢入輕粉二錢拌勻每服一錢茶清調

晨午各一服至五七日於牙縫中出臭涎令人如醉或下膿
血病根乃去仍量人輕重虛實以用之病重者須先以再造
散下之候元氣將復方用此藥忌一切鹽醋炙燻厚味止可
食淡粥時菜及諸蛇肉以淡酒蒸熟食之亦可以助藥力

和子
浮萍散 二七一

治風癰疥癩

浮萍 四錢

荆芥

川芎

麻黃 去節

當歸

赤芍藥

甘草 各二錢

水二鐘葱二莖豆豉一撮煎服汗出為度

寶鑑
換肌散 二七二

治癩風久不愈或眉毛脫落鼻梁崩壞其

效如神

白花蛇

黑花蛇

各三兩
酒浸

地龍

去土

當歸

川芎

赤芍藥

天門冬

去心

甘草

何首烏

不犯
鐵

沙參

胡麻子

炒

天麻

紫參

苦參

白蒺藜

炒

細辛

白芷

蔓荆子

威靈仙

荆芥穗

菊花

木賊草

不灰木

石菖蒲

定風草

卽草
烏莖

草烏

炮去
皮臍

蒼朮

木鱉

各一
兩

右各另爲末和勻每服四五錢食後温酒調服加飲數杯尤妙

通天再造散 二七三

治大風實熱內壅宜此攻之

鬱金 半兩

大黃 炮

皂刺 炒各一兩

白丑 頭末半生半炒六錢

右為細末每服五錢日未出時面東以無灰酒調下晚利下黑頭小蟲病輕者只利臭穢之物○忌葷醒厚味半年犯則再作不可救此藥服三五次即愈

白花蛇丸 二七四

治癘風○丹陽荆上舍得癘疾一僧治而

愈以數百金求方秘不肯傳館客袁生窺知藏衲衣領中因醉之而竊錄焉用者多效

白花蛇

一條去頭尾連骨生用

烏梢蛇

一條去頭尾生用

蟬蛻

去土

防風 去苗

金銀花 去葉

枸杞子

槐花

苦參

生地 各二兩

全蝎 醋浸一日 去鹽味

黃芩

黃連

梔子

黃柏

烏藥

牛膝

川芎

牛蒡子

何首烏 不犯鐵

連翹

天花粉

白蒺藜

威靈仙

荆芥穗

細辛

蔓荊子

金毛狗脊

胡麻子

炒各一兩 漏蘆 半斤洗淨去苗取四兩

右為末米糊丸桐子六每服五六十丸茶清送下空心午前

臨臥各一服

白花蛇膏 二七五

治諸風癩疾遍身生瘡

白花蛇

肉四兩 酒浸

天麻 七錢

荆芥

薄荷葉

各三錢

右為細末用好酒二升蜜四兩以銀磁器熬成膏每溫服一

酒杯日三次煎餅壓下於煖處發汗效

防風天麻丸 二七六

治癘風癩病此方應是仙傳一年中常

療數人初服藥有嘔吐者不可疑服而得愈其效如神

防風 去蘆

天麻

升麻

白附子 炮

定風草

細辛 去苗

川芎

人參 去蘆

丹參 去蘆

苦參

玄參 去蘆

紫參 去蘆

蔓荊子

威靈仙

川山甲炒

何首烏另搗各二兩

蜈蚣二條

右為細末同何首烏末拌勻外用胡麻一斤淘淨晒乾炒香熟另研為細末乃入前藥末二兩又拌勻煉蜜和為丸十九每服一九細嚼溫漿水送下不拘時候日三服宜食淡白粥一百二十日大忌房勞並將息慎口

行藥方二七七

治癘毒

大黃

白牽牛

檳榔各一兩

甘草三兩

輕粉五錢

右共爲細末每服二錢用白蜜三匙薑汁二匙五更時調服
病勢重者七日行一次稍輕者半月一次輕者一月一次或
二十日一次以三五遍爲度

皂角散 二七八

治大風

皂角刺

燒存性 一錢

大黃

一錢

輕粉

五分

右爲末空心酒調服取下惡物○服藥數日齒縫出血甚臭

雷丸散 二七九

取大風虫

雷丸

貫仲

二味先 另研

阿魏

各二 錢

麝香

一分

水銀

硫黃

雄黃

各二錢半用乳鉢入醋 少許研冷水銀盡爲度

右為細末每服一錢天明溫酒送下

黑虎丹 二百八十

治大風諸癩惡瘡毒蟲內蝕形骸變壞

天靈蓋 三兩

人中白

桃仁 炮去皮尖 各二兩

老皂刺 燒存

穿山甲

炒各半兩

輕粉 二錢

麝香 五分

乾蝦蟇 二個去頭足燒存性

右為末煉蜜丸桐子大每服二十九日首五更米飲連日服

取虫盡即愈○殺勞虫通用

苦參酒 二八一

治癩風及瘡疹疥癬最多者

苦參

五斤 切片

右以好酒三斗浸三十日量飲一合日服不絕覺痺即瘥

硫黃酒

二八二

殺癰風諸蟲

明硫黃

研極細

右用酒浸空心飲清汁明日添硫黃再研入酒如前飲之

七珍湯

二八三

浴洗大風

青蒿

艾葉

忍冬藤

蒼耳子

桑條

槐條

柳條

三條俱
槌碎用

右煎水一桶入炒鹽半斤間日一洗浴密室中以簾席圍之

洗出汗為妙不過十次愈

烏頭湯

二八四

治大風瘡癩

草烏

麻黃根

艾葉

地骨皮

朴硝

各一兩

右爲粗末用水一桶椒一合葱三十根同煎湯入醋一鍾於
密室中自用手巾圍搭四肢候湯可浴令汗透務使面上如
珠徐起或坐或臥片時汗乾着衣避風五日再浴如此三五
次每浴後更服換肌丹等藥

敷癘方

二八五

雄黃

硫黃

白礬

草烏

蛇床子

燒存性
等分

右爲末用香油或濃蜜水調敷患處

直指洗癩方 二八六 浴洗大風瘡

苦參 荆芥 防風 白芷

羌活 獨活 藁本 各一兩

洛陽花 四兩火酒噴過一宿

右作二次煎水洗令出汗

梅花白癩 二八七

用香油二碗入鷄蛋黃二枚熬將焦去粗熬油至一碗許

外用雄黃一錢 白礬三分 花椒五分 上共爲細末入

油內再熬熟收貯候用○每用猪毛湯熱洗瘡垢搽油三五

次卽愈○愚按此方於蛋焦去粗之後入水銀五錢微火漸
熱之然後再加硃砂緇木二錢並雄黃白礬等末攪熬勻熟
收用必妙

臘梨瘡 二八九

用杏仁百枚炒爲炭入葱白蜂蜜共搗爛先用花椒煎湯洗
淨然後用此藥搽之新舊瘡皆可用但勿見風方好

瘡瘡二方 二八九

大楓子仁 木鱉仁

蛇床子

各半兩

水銀

三錢研散於內

上七以刀刮去瘡痂花椒湯洗淨外用麻油熬成珠調藥敷

之八日即愈

又方 用猪骨髓和輕粉搗爛罨之過夜即愈

頭面黃水肥瘡

二百九十

治小兒頭面患瘡濃汁作痒痂厚

者名曰粘瘡當用此方或止用礬丹二味亦可○若作痒出水水到即潰者名曰黃水瘡當用後一方

松香

枯礬

官粉

飛丹

右等分爲末麻油調傅或加香烟垢更效於香爐蓋上刮取用之○一方用菜豆松香等分爲末麻油調傅極效或內服荆防敗毒散等藥○又方用益元散加枯礬少半以麻油調

敷大妙大妙

諸癬疥頑瘡 二九一

油核桃

大楓子

樟腦

水銀

右四色研勻擦之此治有蟲者大效○一丸無蟲而忽爾生瘡腫痛或濕爛者但以栢油搽之即可愈

白虎丹 二九二

發則頭面四肢眼目俱腫而惟額上指尖兩

耳不腫及不見赤色者方是其證

先將馬桶洗淨用沸湯傾入蓋少頃傾出盆內浴之數次卽退○再用車前草九里香馬蹄香枸杞苗卽雁稜菜同搗調

和麻油遍身自上而下擦之○大忌鷄魚生冷炙煨日色火光燈烟湯氣極須謹慎

又方 用生香附末冷茶調服一二錢卽愈

又方 搗綠荳水去渣飲一二碗妙

紫白癩風歌

二九三

紫癩白癩一般風

附子硫黃最有功

薑汁調勻茄蒂擦

若經三度永無踪

又歌

紫癩白癩兩般風

水銀輕粉最成功

搗取生薑自然汁

只須一擦便無踪

又方 治紫白癰汗斑等風

雄黃

硫黃

黃丹

蜜陀僧

南星

右爲末先用葱擦患處次用薑蘼藥末擦之擦後漸黑次日再擦黑散則愈矣

又四神散

雄黃

雌黃

硫黃

明瓦

各等分先浴令遍身微汗以薑蘼擦之再以熱湯淋洗當日

色淡五日除根

汗斑四方 二九四

大黃 二錢

枯礬

椒紅 各五分

右用猪脂沙糖同搗爛俟浴起以細麻布包擦至痛而止數日即愈○或止用硫黃少入麻油研如糊浴用麻布蘸擦數

次即愈

又方

蜜陀僧

硫黃 各三錢

輕粉 二錢

雄黃 一錢

人言 五分

右為末薑汁調用茄蒂醮擦三日內不沐妙

又方

雌黃

雄黃

各一錢

硫黃

五分

麝

半分

浴後薑醮擦二三日勿洗

又方

硫黃一兩用醋煮半日海螵蛸三個共為末浴後以生薑

醮擦患處須避風少時數度即愈

漆瘡方

二九五

用香油調鐵銹塗之○胃氣實者內服黃連解毒湯○胃氣

弱者以漆毒侵犯中氣致虛多有作嘔不能飲食者宜用六
君加砂仁藿香酒炒芍藥之類○又解漆毒法見因陣二三

五

手足甲疽 二九六

凡手足間或因修甲傷肉或因損足成瘡潰爛上脚用綠礬
置鐵板上煨沸色赤如熔金色者爲真沸定取起研末以鹽
湯洗搽

坐板瘡 二九七

腫痛多膿者

玄陀僧

生礬

大黃

等分爲極細末敷之

神效膏

二九八

治廉瘡脚瘡

先看瘡形大小用綿紙裁成四方塊十二張四角用小撚釘
住聽用○外以好香油二兩用銅杓以文武火熬之先下花
椒四十九粒煎黑取起○次下槐枝長一寸者四十九節煎
黑又取起○再次下黃占一兩輕粉二分枯礬一分溶清却
入前紙浸油內令透不可令焦取起聽用凡貼瘡時先將槐
枝葱椒煎湯洗瘡令透拭乾乃此膏紙貼上外面再以油單
紙蓋護乃用軟帛縛定一日取下揭去一層復用湯藥洗淨

又貼之盡十二張無有不愈者

隔紙膏 二九九

治癩瘡神效

黃芪末

錢五

輕粉

乳香

沒藥

錢各一

銀硃

錢一

血竭

五分

銅綠

二分

右為細末真香油調成膏攤油紙上再用油單紙一層以鍼刺孔數十掩膏藥上貼之一日一易其膏

二味隔紙膏

三百

治癩瘡濕毒瘡

石膏

煨

枯礬

等分

右為末用桐油調成膏作隔紙膏貼之更服荆防敗毒散如

數劑不愈再服黃芪人參湯

爛腿瘡久不愈方 三百一

用米糖卽膠飴也以碗盛於飯鍋內蒸化先用花椒荆芥防風等藥煎湯洗瘡淨乃將膠飴薄攤瘡上外以軟竹箬蓋定用絹縛之數日卽愈神效

凍瘡方 三百二

歷青末

黃蠟

各一兩

麻油

一兩

右三味溶化搽患處

湯火六方 三百三

凡初被湯火所傷速用冷竈柴草灰一二升入鹽少許以涼水調如稀糊嘗味微鹹爲度用以厚攤傷處覺熱則易之連易數次則火毒皆拔於灰中必腫痛隨散結痂而愈誠神妙方也

又方 治潰爛腫痛者 用生桐油調人中白敷之卽愈亦妙方也

又方 用皂礬研細和以冷水澆傷處其疼立止其腫卽消

又方 用大黃芒硝等分爲末鷄子清調貼之神效

又方 用石膏末香油調敷卽愈

又赤石脂散 治湯火傷肉爛赤痛

赤石脂 寒水石 大黃等分

右為末新汲水調塗

湯火至聖膏 三百四

治湯火傷瘡用雞子黃置銀石器內熬油調胡粉傅之○錦
衣楊永興厨下夜間回祿凡睡此房已死將死者灌以生蘿
蔔汁良久悉愈凡遇此患者以此治之其應如響

湯火止痛散 三百五

止痛生肌

大黃末微 當歸末等

右用麻油調搽或乾摻亦可

小兒丹毒 三百六

此毒多生頭面四肢色赤或腫遊走不定甚者宜用前磁鋒
砭法使毒血遇刺皆出更以神功散傅之內服荆防敗毒散
或五福化毒丹若使毒氣入腹則不治或愈而復發皆因母
食辛辣炙燂以致內熱宜於母藥中加漏蘆煎服或令自服
亦愈

小兒鵝口 三百七

凡兒口內白屑滿口者爲鵝口瘡則不能飲乳用髮或軟

絹纏指蘸井水拭舌上使淨如屑不能脫濃煮栗木湯以綿纏筋頭拭洗却用飛過黃丹搽之

加味太乙膏 三百八

一切瘡瘍並宜貼之先用隔蒜灸更服

活命飲以收全功

當歸

生地黃

芍藥

玄參

大黃 各二兩

加甘草 四兩

用麻油二斤煎丹收

景岳會通膏 三百九

凡諸癰毒疔塊風氣骨節疼痛無所不

治

、大黃
木鱉仁
、當歸
、川芎

、芍藥
生地
、麻黃
、細辛

、白芷
、防風
、荊芥
、蒼朮

、羌活
、川烏
、甘草
、烏藥

、南星
、半夏
、香附
、官桂

、蒼耳
、骨碎補
、草烏
、艾葉

、皂角
、枳殼
三稜
蓬朮

、蘿蔔子
水紅花子
巴豆
五倍

、獨活
、桃仁
、蘇木
、紅花

續斷

連翹

梔子

苦參

槐花

皂刺

乾薑

草麻子

透骨草

晒乾

穿山甲

全蠲

僵蚕

蜂房

各一兩

蛇退

一條

蜈蚣

十四根

蝦蟆

三隻

血餘

一團

獨蒜

四頭

右五十四味用麻油五斤浸三日先煎血餘草麻木鱉桃仁

巴豆蝦蟆獨蒜待半枯然後入餘藥煎黑去滓丹收後下細

藥十味

阿魏 二兩

乳香 制

沒藥 製各一兩

木香

丁香

雄黃

硃砂

血竭

兒茶

各五錢

麝香

不拘一二錢

右麝香丁香木香三味宜最後下之以上收油法凡熬成熱

油一斤下飛淨好紅丹八兩若欲微嫩則止下七兩五錢

神異膏

三百十

治癰疽瘡毒及收口甚效此瘡瘍中第一方

也

麻油

二斤

黃丹

十二兩

黃芪

杏仁

玄參

各一兩

蛇蛻

半兩

男髮

如雞子一團

蜂房

子多者佳一兩

右先以黃芪杏仁玄參入油煎至將黑乃入蛇蛻蜂房亂髮

再煎至黑去粗徐徐下丹慢火煎收黃丹不必拘數但以得
中為度凡膏藥用久必至老硬煎時預留嫩膏少許如硬量
和之

清涼膏 三一

治一切瘡瘍潰後宜用之

當歸 二兩

白芷

白芨

木鱉子

黃栢

白歛

乳香

白膠香

各五錢

黃丹 五兩
淨

麻油 十二兩
淨

右用油煎前六味以槐柳枝順攪油熟丹收然後下乳香等

二味

阿魏膏 三一三

治一切痞塊更服胡連丸

羌活

獨活

玄參

官桂

赤芍藥

川山甲

生地黃

兩頭尖

大黃

白芷

天麻

紅花

各半兩

木鱉

十枚去殼

亂髮

一團

槐柳桃枝

各半兩

右用麻油二斤四兩煎藥黑去粗入髮再煎髮化仍去粗入上好真正黃丹煎收軟硬得中入後細藥即成膏矣

阿魏

芒硝

蘇合油

乳香

沒藥 各五錢

麝香 三錢

右凡貼膏藥須先用朴硝隨患處鋪半指厚以紙蓋用熱熨
斗熨良久如硝耗再加熨之二時許方貼膏藥若是肝積加
蘆薈末同熨之

硃砂膏 三一三

治一切頑瘡破瘡杖瘡癰疽發背破傷者最

妙最佳

麻油 一斤

飛母 六兩

水銀 一兩

硃砂

佳者一兩半飛

好黃蠟

四兩

先下油熬數沸下雞子二枚敲開連殼投之熬焦撈去子退

火俟油定下水銀五錢再加微火攪熬飯頃卽入丹漸收成

膏後下黃占再攪候大溫下極細好硃砂一兩五錢攪勻磁
確收貯

神效當歸膏 三一四

治一切發背瘡瘍湯火疼痛等證去腐

肉生新肉其效如神凡洗拭換膏必須預備卽貼之新肉畏
風故也如用白蠟尤好此藥生肌止痛補血續筋故與新肉
相宜

當歸

生地黄

黃蠟

各二兩白
蠟當減半

麻油

六兩

右先將當歸地黃各一兩入油煎黑去粗又將二味各入一
兩煎至微焦復去滓乃入蠟溶化候冷攪勻卽成膏矣用塗

患處以紙蓋之如有處肉須用利刀剪去則生肌尤速

攻堅敗毒膏 三一五

亦名乾坤一炁膏○專攻痞塊諸瘡毒

痔漏

當歸

熟地

生地

白芍藥

赤芍藥

南星

半夏

三稜

蓬朮

木鱉

兩頭尖

川山甲

巴豆仁

肉桂

五靈脂

桃仁

續斷

玄參

玄胡索

葶麻子仁

白芷

羌活

獨活

大黃

紅花

川烏

草烏

蘇木

川芎

防風

杏仁

各一兩

右用麻油四十兩浸諸藥三日桑柴火煎成丹收後下細藥

乳香

製

沒藥

製各一兩

真阿魏

一兩半

麝香

三錢

右方於細藥中加蘆薈木香各一兩蟬酥三錢即名消痞大

成膏

消痞膏

三一六

三稜

蓬朮

川山甲

木鱉仁

杏仁

水紅花子

蘿蔔子

透骨草

晒乾

大黃 各一兩

獨頭蒜 四個

右用香油一斤入前藥十味煎油成以飛丹收之後下細藥

真阿魏

乳香

沒藥 各一兩

麝香 三錢

右先下乳沒阿魏三味後下麝香攪勻待冷傾水中浸數日
用磁瓶收貯勿使洩氣用時以白布或堅白紙攤貼八九日
一換或見大便去膿血勿以為異亦有不去膿血而自愈者
若治瀉痢可貼臍腹忌房事生冷○凡貼癥積痞塊先用蕎
麥麩和作一團圍住患處四邊其塊上放皮硝二三兩蓋厚
紙以熨斗熨令熱氣內達然後去硝用膏藥貼之○右原方

用白花菜同透骨草另煎膏二兩攪入膏內收用但白花菜
惟西北方間有之求覓不易故余用獨蒜蘿蔔子代之其功
亦不減也

琥珀膏 三一七

治頸項瘰癧及腋下初結小核漸加連珠不

消不潰或潰而膿水不絕經久不瘥或成漏證

琥珀

白芷

防風

當歸

木鱉子

木通

各一兩

丁香

桂心

硃砂

木香

松香 各半兩

麻油 二斤

石先將琥珀等六味爲末其餘藥入油煎黑濾去粗徐入黃

丹再煎軟硬得中入前藥成膏貼之

貼痞琥珀膏 三一八

貼癥積痞塊

大黃朴硝各一兩爲末以大蒜同搗膏貼之

水紅花膏 三一九

貼痞塊

用水紅花或子每一碗以水三碗用桑柴文武火熬成膏量痞大小用紙攤貼以無形爲度仍將膏用酒調服忌暈腥油膩不飲酒者白湯下

火龍膏 三百二十

治風寒濕毒所襲筋骨攣痛及濕痰流注

經絡壅痛不能行步並治歷節風鶴膝風其效如神

生薑 八兩 取汁
乳香 為末
沒藥 為末 各五錢
麝香 一錢

真牛皮廣膠 二兩

右先將薑汁並膠融化方下乳香沒藥調勻待少溫下麝香
即成膏矣攤貼患處更服五積散如鶴膝風須服大防風湯

趙府膏 三二一
專貼疼痛腫毒

乾蝦蟇 三個
全蝎 各一兩
蠶蚕 各一兩
蜈蚣 四條

班蝥 四十個
商陸根 一兩 六錢
花椒 一錢
童子髮 六分

雞內金 二個
槐枝 三寸長者 四十根

細藥

兒茶

乳香

沒藥

血竭

龍骨

黃占

白占

各五錢

麝香

一錢

右用麻油二斤煎飛丹收

密陀膏

三二二

此膏治賺濕諸瘡瘋痛等證神效凡治疼痛

先以葱薑擦患處然後貼之

先用密陀僧一二斤打碎將童便煮之覺其濁性去而童便

氣清乃可止矣用便煮過則貼瘡不痛晾乾研極細如麪候

用

用桐油不拘幾斤熬至將黑為度每熟油一斤用陀僧六兩

收之於將成膏之頃取起離火候稍涼諒膏多少入冷水數碗徐攪之恐其泛出俟少定卽逼去其水再上火熬化復入水數碗攪逼如前或三次更妙然後熬淨其水每油一斤再入官粉二兩熬收其色方黑凡熬此者銅鍋須大方可用八仙紅玉膏 三二三 治諸瘡

龍骨

赤石脂

兒茶

血竭

沒藥

乳香

各一錢

輕粉

五分或一錢

冰片

二分

右用麻油二兩入當歸五錢煎枯去滓入龍石茶竭四味再煎一二沸次入乳沒畧煎勻後入黃占五錢溶化冷定入輕

冰攤貼

碧油膏 三二四

止痛排膿灸後宜用之

桃枝

柳枝

桑枝

槐枝

各二兩

乳香

另研

血竭

各五錢

黃丹

四兩淨

右用麻油十兩煎膏成後下乳香血竭

長肉膏

三二五

人參

黃芪

當歸

夜合樹皮

玄參

各一兩

血餘

三兩

老鼠

一個

細藥

血竭

龍骨

赤石脂

白臘 各五錢

右用麻油一斤煎飛丹收

保養元氣膏 三二六

此膏助元陽補精髓通血脉鎮玉池養

龜存精百戰百勝待婦人經淨之時去膏而泄則可成孕並

治腰膝疼痛五勞七傷諸虛百損半身不遂膀胱疝氣帶濁

淫淋陰痿不舉無不效者此邵真人進

御方也

麻油一斤四兩入甘草二兩先熬六七滾然後下諸藥

生地黃

熟地黃

俱酒洗

麥門冬

肉蓯蓉

酒洗

遠志肉

蛇床子

酒浸 兔絲子

酒浸

牛膝

酒洗

鹿茸

川續斷

虎骨

紫稍花

木鱉仁

谷精草

大附子

肉桂

各五錢

右熬成以煮過松香四兩飛丹半斤收之次下細藥

次下龍骨

倭硫黃

赤石脂

各二錢

又次下乳香

沉香

丁香

木香

各一錢

又次下陽起石

三錢

麝香

五分

蟬酥

鴉片

各一錢

又次下黃占五兩

右煎成入井中浸三四日每用膏七八

錢紅絹攤貼臍上或腰眼間每貼五六十日再換

煮松香法 三二七

凡用松香收膏藥者必用水多煮一二遍

去其澁燥之性方可貼瘡不痛○若用貼癥痞血塊則當加藥如後法煮過用之方妙

大都松香三斤 用皮硝一碗 水紅花四兩

大黃

當歸

生地

各二兩

三稜

蓬朮

各一兩

右藥七味用水一桶先熬汁去滓淨用煮松香徐徐添入以汁完爲度收用之極佳○一收油之法凡煮過松香一斤入

熬熟藥油五兩卽成膏矣

以下通用方

四君子湯 三二八

方在補陣一

治瘡瘍脾胃虛弱或因尅伐腫痛不散潰斂不能宜用此以
補脾胃諸證自愈若誤用攻毒則七惡隨至脾胃虛弱飲食
少思或食而難化或欲作嘔或大傷不實若脾胃氣虛瘡口
出血吐血便血尤宜用之蓋氣能攝血故也凡氣血俱虛之
症宜於此湯但加當歸脾胃既旺飲食自進陰血自生若用
沉陰之劑脾胃復傷諸症蜂起